


“O mo Seigneur, augmente mo connaissance”
(Le Saint Coran, 20:115)



TA'LIM SYLLABUS

(Novembre 2021 à Septembre 2022)

LAJNA IMA'ILLAH MAURITIUS

CONTENUS

Promesse Lajna Ima'illah - Ahad	2
Introduction à Ta'lim Syllabus	3 – 4
Syllabus Terme 1 – Novembre 2021 à Janvier 2022	5 - 19
Syllabus Terme 2 – Février 2022 à Mai 2022	20 – 32
Syllabus Terme 3 – Juin 2022 à Septembre 2022	33 – 45

PROMESSE LAJNA IMA'ILLAH - AHAD

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ

Mo attesté ki pena aukene Bondié apart Allah, Li Ene
Li pena partenaire. Et mo attesté ki Muhammad (saw)
so serviteur et messazer.

Mo affirmé ki mo pou toujours prête pou sacrifier mo
lavi, mo dibien, mo letemps et mo zenfans pou la
cause de la foi et de la nation.

Mo pou toujours marche lors la verité et mo pou
toujours prête pou fer tou sacrifice pou la
continuation de khilafat-e-Ahmadiyya, InshAllah.

INTRODUCTION À SYLLABUS TA'LIM

Inne mette en place ene syllabus pou période Novembre 2021 à Septembre 2022 pour zotte. Voici quelques lignes directrices qui pou aide zotte suivre programme la. Tous bannes parties sa syllabus la zotte importants et bisin apprane zotte et aussi mette zotte en pratiques.

COMPOSANTS DE BASE

1. Le Saint Coran – Insha'Allah nou pou continuer appran bannes petits portions de Saint Coran. Nou pou étudier Surah Al-Ma'Un, Surah Al Humazah et Surah Al Qari'ah pou l'année Novembre 2021 à Septembre 2022. Nou pou lire sa bannes versets la avec traduction. Sa pou aide nou comprend Quran plus.

2. Salat – Nous pou appranes bannes extraits du livre "Zikré Ilahi" (Souvenir d'Allah) par Hazrat Khalifatul Massih II (ra) et suivre bannes conseils de Huzur (r.a) pou améliorer nous Salat. En plus nous encourage bannes Lajnas pou réviser zotte prononciation et traduction bannes dua's Salat et pou ré-apprene zotte si nécessaire; sa pou aide zotte comprend Namaz et gagner beaucoup plus concentration et plaisir dans zotte Ibaadat.

3. Attributs d'Allah Le Tout Puissant – Nous finissent choisir 30 Attributs d'Allah le Tout Puissant, 10 pour chaque terme pour bannes Lajnas apprennent et réviser zotte signification. Pas oublier que sa c'est que bannes moyens pour nous venir plus proche avec Allah Ta'Ala.

4. Hadith – Ene total de 6 Ahadith, 2 pour chaque terme finissent sélectionner avec commentaire simple depuis le livre 'Forty Gems of Beauty' par Hazrat Mirza Bashir Ahmad Sahib (ra). Nous pé démaner zotte pour lire sa bannes Ahadith la et réfléchir lors bannes paroles de Nabi Kareem (saw). Nous essayer analyse message et paroles qui finissent enregistrées dans bannes Ahadith la.

5. Malfuzat (bannes paroles de Hazrat Massih Maoud a.s) – Nous finne choisir bannes petit portions de Malfuzat Volume 1 pu étudier pou l'année Novembre 2021 à Septembre 2022.

6. Duahs ki nu bisin apprane – Essaye apprane sa bannes duahs la et aussi apprane zotte signification. Bannes duahs la zotte depi dan Quran Shareef.

7. Livres Messie Promis (as) – Nous pou étudier bannes livres suivants pou l'année 2021-2022:

- a. Terme 1: " Paigham-e-Sulah" ou "Le Message de la Reconciliation";
- b. Terme 2: "Fathe Islam" ou "Triomphe de L'Islam";
- c. Terme 3: "Gunah ki Ghulami Sei Riha'i Panei Ki Tadabir Kya Hain?" or "Comment s'affranchir du péché".

COMPOSANTS OPTIONNELS

- 1. Mémorisation du Saint Coran** – Bannes membres de Lajna capav commencent mémorise au moins la moitié d'une partie chaque l'année, commençant par partie 30, après 29, 28, 27 et ainsi de suite. À la fin chaque l'année de Lajna, zotte capave informe zotte Secrétaire Talim local de bannes parties ki zotte finne mémorisées au cours de l'année afin ki zotte capave gagne ene certificat pour zotte réussite.

Qui Allah le Tout-Puissant permette nous pou bénéficier de nous bane études religieuses et pour améliore nous connaissances lors nou Deen. Ameen.

Shabneez Khodabux
Serving as Secretary Ta'lim Lajna, Mauritius



SYLLABUS POUR
Terme – 1
Novembre 2021 à Janvier
2022



Aperçu Général de Ta'lim Syllabus – Terme 1

Novembre 2021 – Janvier 2022

Composantes	Détails
1. Le Saint Coran	Al-Ma'un
2. Salat	Extrait de 'Zikré Ilahi' par Hazrat Khalifatul Massih II (ra)
3. Attributs d'Allah Le Tout-Puissant	Al Muhaimin – Al Jaleel – Al Kareem – Ar Raqeeb – Al Mujeeb – Al Waasi' – Al Hakeem – Al Wadood – Al Majeed – Al Baa'ith
4. Ahadith	Hadith No 4 – Le Saint Prophète li le dernier porteur de loi; Hadith No 5 – Bane actions zot recompensé par rapport à bannes l'intentions/motifs derier zotte;
5. Malfoozat	Extraits de Volume 1
6. Duah Quran	Mo Seignére! Pa laisse moi tout sél sans zenfant, et To Meillére ki tout bannes héritiers. (21:90)
7. Livre Messie Promis (as)	"Paigham-e-Sulah"ou "Le Message de la Reconciliation".

1. Le Saint Coran

AL-Ma'un – Chapitre 107, Versets 1 -8

بِسْمِ اللَّهِ الرَّحْمَنِ الرَّحِيمِ ①

أَرَأَيْتَ الَّذِي يُكَذِّبُ بِالدِّينِ ②

فَذَلِكَ الَّذِي يَدْعُ الْيَتِيمَ ③

وَلَا يَحْضُ عَلَى طَعَامِ الْمِسْكِينِ ④

فَوَيْلٌ لِلْمُصَلِّينَ ⑤

الَّذِينَ هُمْ عَنْ صَلَاتِهِمْ سَاهُونَ ﴿٦﴾

الَّذِينَ هُمْ يُرَاءُونَ ﴿٧﴾

وَيَمْنَعُونَ الْمَاعُونَ ﴿٨﴾

Traduction:

1. Avec nom Allah, Céli Ki montré So grâce, sans limites, Ki donné sans ki dimanne Li; Céli Ki Bien-Miséricordié.
2. Esse-ki to finne trouve ça dimoune ki contrédire la rélizion-là?
3. Li-même ça dimoune ki repoussé orphélin.
4. Et li pas encouraze lé zoutes pou nourri dimoune pauvre.
5. Donc, malhére lor banne ki prié,
6. Mais ki néglizent are zot la Priére.
7. Banne ki content faire parade,
8. Et ki empéce banne dimounes gagne même-banne ti avantazes.

2. Salat

Extrait de:

“Zikre Ilahi”

Par: Hazrat Mirza Bashiruddin Mahmud Ahmad ra Khalifatul
Massih II

La nécessité pou porte plis attention à Zikri-Ilahi dan nou Jamaat.

Salaat (la prière obligatoire ki nou faire cinq fois par jour), ça aussi c'est ene forme de Zikri-Ilahi. Par la Grâce d'Allah nou Jamaat bien régulier la-dan. N'empêche ki ena bane lezotte méthodes importants encore pou faire Zikri-Ilahi apart Salat.

Même si pena ene manquement total ladan, cependant pas pé donne assez l'attention à ça. Ena certains bane membres pas mette ça en pratique. Ça c'est ene grand faiblesse. Ecoutez ! Si ene dimoune li exceptionnellement beau mais so lizié, so zoreilles ou so nenez difformer, eski pou capave appelle li beau ? Loin de la. Zotte tous pou trouve li répugnant. En d'autres mots, si ene membre Jamaat pas pé adopter bane méthodes pou faire Zikri-Ilahi, li comparable a ene dimoune ki porte ene costume, ene chemise et pantalons de valeur, mais li pena chaussures ou chapeau. Malgré so bane vêtements élégants, ça manque de chaussures et chapeau la créer défaut dan so l'apparence. Kan nou pena l'habitude pou faire Zikri-Ilahi, c'est ene défaut ki nou ena. Et ene dimoune avec ene bon jugement li détester bane défauts personnels.

Huzoor dire, mo pou aussi démontrer ki apart Salaat, Allah et So Messenger fine aussi enseigne bane lezotte façons pou rappelle Allah. Même si nou pas comprend totalement la philosophie de ça bane enseignement la, li essentiel pou obéir afin ki nou ressi attene l'excellence spirituelle.

3. Attributs d'Allah

Originale Arabic	Transliteration	Signification en Créole
الْمُهَيَّمِنُ	Al Muhaimin	Le Protectére
الْجَلِيلُ	Al Jaleel	Le Seigneur de la Majesté
الْكَرِيمُ	Al Kareem	Le Noble
الرَّقِيبُ	Ar Raqeeb	Le Vizilant
الْمُجِيبُ	Al Mujeeb	Céli Ki exauce la prière
الْوَاسِعُ	Al Waasi'	Céli Ki montré grand zénérosité, L'Infini

الْحَكِيمُ	Al Hakeem	Céli Ki Bien-Saze
الْوَدُودُ	Al Wadood	Céli Ki Rempli d'affection
الْمَجِيدُ	Al Majeed	Céli Ki possède la gloire
الْبَاعِثُ	Al Baa'ith	L'élévateur des morts

4. Hadith

HADITH NUMERO 4

Le Saint Prophète li le dernier porteur de loi

Rapporté par Hazrat Abu Hurairah, ki Allah satisfait de li ki le Prophète d'Allah (ki la paix et benedictions d'Allah lor li) in dire:

“Mo le dernier des Prophètes et mo masjid (de Médine) li le dernier des masjid”

(Muslim)

Commentaire:

Dans sa Hadith la, le Saint Prophète (saw) dire qui ki li le dernier prophète, ça veut dire qui, **jamais ene reformater en dehors so ummat pou apparait; jamais pas pou ena ene Prophète après li, qui pou amène ene nouveau la loi.**

Si ene reformater vini, li pou obliger ene disciple du Saint Prophète (saw) qui suivre so sharia; ene reformater au sein de l'islam.

Pou explique sa pli clairement, le Saint Prophète (saw) dire pli devant: "Et sa masjid ki pou moi la, li dernier masjid".

Li clair, d'après sa bane mots la, et d'après ce qui nous observer, **qui sa pas veut dire littéralement, ki jamais pas pou ena ene masjid enkor ki pou construire dans le monde.**

Au contraire, so signification c'est ki pas pou ena ene masjid ki pou en opposition avec masjid du Saint Prophète (saw), et ki tou masjid ki pou construire dorénavant pou suivre et imite masjid du Saint Prophète (saw) (ici masjid pe cause en terme de bane enseignements du Saint Prophete (saw)).

إِنِّي آخِرُ النَّبِيِّاءِ

Donc, dans sa façon la même, "**Assurément mo le dernier des prophètes**" so signification c'est ki pas capav ena ene lott prophète, a l'avenir, ki pou séparer de Nabuwat du Saint Prophète (saw), ou qui pou amène ene nouveau la religion.

Bien au contraire, celui ki pou vini après, li pou le Saint Prophète (saw) so serviteur, so disciple, so reflet et dan ene certaine façon, ene partie de li. Et c'est sa philosophie de *Khataman Nabiyyin* (Le Sceau de tous banne Prophètes) qui mentionner dans Quran.

[bane qui interprète sa Hadiths la au sens littéral, zotte bizin réfléchi lor ene point]: Si, malgré qui le Saint Prophète (saw) fine dire « Mo masjid li dernier masjid », et fine ena des milliers de masjid qui fine construire dans bane pays musulmans, kifer zotte pe contigne insister qui apparition d'ene réformateur au sein de l'islam, au service du Saint Prophète (saw), li a l'encontre philosophie de sa Hadiths la?

Donc, définitivement signification sa Hadiths là c'est qui le Saint Prophète (saw) ti dernier prophète porteur de loi et aukene prophète

pas pou vini après li qui pou amène ene Sharia autre ki Islam, et so masjid (de Médine) pou le dernier dans le sens qui pas pou ena aukaine lotte masjid ki capav rivalise avec li.

HADITH NUMERO 5

Bane actions zot récompensé par rapport a bannes l'intentions/motifs derrière zotte

Rapporté par Hazrat Umar bin al-Khattab, qui Allah content avec li: mone tende le Prophete d'Allah (que la paix et les benedictions d'Allah soit sur lui) dire:

“Assurément bane actions jugés par l'intention et pou chaque dimoune ena ene récompense, d'après so l'intention”

(Bukhārī)

Commentaire:

Sa Hadith la explik nou philosophie bane actions humaine. Li évident ki ena diffèrent kalité bon actions.

Ena actions ki nous faire par l'habitude, ena lezot ki nous fer pou imite nous prochain ou bien ena ki pou montré dimoune.

Mais nou Maître, le Saint Prophète (saw) dire, ki tou sa bane actions la pena aukene bénédiction et pena aukène poids devant Allah et ki bane **vrai** bon actions c'est ceki nous fer avec ene l'intention pure et ene l'esprit sincère. En vérité, tant ki l'homme so leker, so la langue, so la main, lipieds et les autre parties pas travay en accord dan fer sa bane actions la, li pas ena aukène valeur.

Si ene dimoune so l'intention pas bon, li considérer couma ene hypocrite. Si so bane parole pas refléter so bane sentiments, li considérer comme ene lâche (kikene ki pena vrai courage). Si ene dimoune ena ene l'intention honnête, bane simple actes ki paraît commun vine bane vertus.

Par rapport à sa, le Saint Prophète (saw) finne dire, kan ène missier mette en bouchée manger dans la bouche so madame, ziss parski c'est Allah So désire ki li nourrit so madame et donne li so provision, alors sa action la, devant lizier Allah, vine ene acte de piété.

Mais li chagrinant qui des milliers de dimounes observe la prière, ziss par l'habitude.

Ou des milliers ki garde roza, ziss aköz dimoune autour zott pe gardé. Et des milliers ki fer Hajj, ziss pou zott être connu comme bane Hajjis dans la société, et ki considère zott comme pieux et lerala zott business prospéré.

Enseignement dans sa Hadith la montrer nou ki tou sa banne actions la pou fini annuler si nou l'intention pas bon, si nou niyyat pas bon.

Ene action malhonnête, malgré comier li parait vertueux, pas mérite aukene récompense avec Allah.

Sans doute, ene acte honnête c'est ene acte qui faire avec ene l'intention pure et sincère, parski récompense pou bane actions basé lor l'intention.

5. Malfoozat

Le but de la venue du Messie Promis(as)

Hazrat Maulvi Abdul-Karim (r.a) raconter qui:

« Mo rappel bien – et mo fine écrire sa dans mo carnet- qui ene dimune fine pose ene question au Messie Promis (a.s), nu imam veridique, dans Jalandhar, a propos so l'avenement dans sa le monde la.

Le Messie Promis ine dire: « Mo fine vini pour renforcé Imaan de bane dimoune ».

Bannes différent types de la foi (Imaan)

Ena ene lot incident ki fine aussi raporter dans mo carnet. (Donc c'est Hazrat Maulvi Abdul-karim (ra) qui pe dire sa)

Ca incident la fine aussi passer a Jalandhar. Ene membre de nous communauté, nous frere, Munshi Muhammad Arura Sahib fine demande Hazrat Massih Maoud (as),:

« Commier type la foi ena? » Le Messie Promis (as) fine donne ene explication bien interessant et bien subtile, li fine dire:

« Ena deux qualite la foi – ene la li simple et l'autre la li pli approfondi. La foi simple li veut dire qui nous pratique fermement bane principe de la religion MAIS sans ena ene connaissance approfondi (c-a-d din-ul-aja'iz) et la Foi approfondi c'est qui zot suive moi, c-a-d qui zot suive mo bane pratiques »

Mufti Muhammad Sadiq(ra) ecrire: "Même en 1895 quand mo ti pe alle visit le Messie Promis(as), dans mo empressement/ardeur, mo ti p note so bannes mots saints lor ene boute papier et mo ti pe amene sa a Lahore kot mo ti pe lire sa bann notes la a banes ahmadis dans nous bann réunions qui nous ti pe faire tout les semaine. Mo présente ici quelques bann souvenirs depi sa lepok la. Sa lepok la, pas ti pé note date exact, alors mo pe ecrire tou sa bann mots la sans date exacte.

Le serment d'allégeance (bai'at) et la repentance (Taubah)

Nous bizin comprend bane l'avantages et bane nécessités pou faire Bai'at, (pou faire ene serment d'allégeance, pu resse fidèle et obéissant) à ene guide spirituel (à nou Imam Mahdi).

Tant ki nu pas reconnet bénéfices ek valeur dan ene kitchose, nu pa pu kapav apprécier so l'utilité.

Par exemple, ene dimoune kapav ena différent forme de richesse et possessions partout dans so lacaz, li ena boukou kasse, bane objets en porcelaine et du bois pou chauffage (etc). Tous sa, c'est bane kitshose ki li préserver dépendant lor zotte utilité.

Ene dimoune pas pou donne autant l'importance pour preserve porcelaine avec autant soin mais au contraire li pou donne plis l'importance pou économise so kasse; meme du bois chauffage et les autres kitchose reste dans ene coin dan lacaz.

De la meme facon, ene dimoune pou donne plisse protection envers ene kitchose, parceki si sa kitchose la perdi, li pou fer li plis du tort.

De même l'aspect ki pli remarquable kan nou prête serment a ene guide spirituel, c'est la **repentance (tawba)** ki veul dire **retourner (ruju)**.

La repentance, c'est l'état ene dimoune quand li abandonne bane liens ki attasse li avec péché.

Kan ene dimoune li plongé dans la vie de péché alor sa bannes pêchés cummense vine ene partie normale dan so la vie. Sa partie la rester avec li pareil couma li pe resse dan ene l'endroit depi so naissance.

Alors, kan ene dimoune faire tawba, sa vedire li pe abandonne sa l'état de péché la et donc li pe kit sa l'endroit la et ruju veul dire li retourner, li purifier li meme.

Pou kit ene l'endroit aller, li ene zaffer bien lourd et bien difficile parceki bizn fer face beaucoup difficultés.

Pu kit lakaz mem pu alle dan ene lotte lakaz, ene dimoune gagne beaucoup problemes.

Mais, kan bizin kit l'endroit kot nu pe rester la, nu pu bizin coupe tout relation avec nou bane proches et nou bane camarades et faire adieu avec tous kitsoz, nu foyer, nu lacaz, nu bannes voisins, bannes chemins ek bannes places ki nu ti abitier trouver dan sa l'endroit la et aussi banne place cot nu ti pe travaille.

Donc, tawba vedire, l'état ene dimoune ki forcer pu déplacer dans ene nouvo l'endroit et zamais li pu kapav retourne dans so l'endroit natal.

Banes ki faire camarades avec Shaytan zotte different avec bane ki faire camarades avec la droiture. Bannes Sufis appelle sa transformation la couma ene **'la mort'**.

Ene dimoune ki repentir, li forcer pu perdi boukou kitsoz.

En vérité, vrai repentance demande bane grand sacrifice.

Mais Allah Li Exalté, Li Miséricordieux et Li Généreux.

Allah pas donne ene dimoune la mort tant ki li pas remplace sa bannes pertes la dans ene meilleur facon.

Dan Quran Allah dire:

إِنَّ اللَّهَ يُحِبُّ التَّوَّابِينَ¹

'Innallaha yuhibbut tawwabeen'

Allah content ceux ki tourne vers Li

Sa verset la donne nous l'assurance de bannes cadeaux ki Allah accorder kan nous tourne vers li.

Quand ene dimoune repenti, zotte vine bannes pauves et faibes et c'est pourquoi Allah, l'exalté Li démontrer l'amour et l'affection pou sa bannes qualité dimoune la.

Li considere zotte parmi bannes ki justes, bane vertueux.

Les autres nations zotte pas considere Allah couma le Miséricordieux et Généreux.

Bannes chrétiens en réalité zotte prend Bon Dieu couma ene tyran et zotte considere so garcon couma misericordieux. Parceki, selon zotte, le père refuse pou pardonne pêché, tandis ki le fils, li donne so la vie pou lezotte gagne pardon.

Sa différence extrême ki ena entre le père et le fils, li ene zaffer ki pena sens ditou.

Banne papas et banne garcons, tous les temps zotte ena ene ressemblance dans zotte maniere et zotte comportement moral. Mais ici, dan sa cas la, li exactement le contraire.

Si Allah pas ti Miséricordieux, l'homme pas ti pu kapav survive, même pas pou ene seul moment.

Allah Li Celui kine créer des milliers kitsoz pour bénéfice bane dimoune, bien avan mem ki bane dimoune ine fer kik action.

Li impossible pou imaginer ki Li pas pou considère la repentance et bannes bon actions ki ene dimoune faire.

6. Duah Qur'an

Contre le fait de rester sans enfant

Surah Al Anbiya', Chapitre 21 versets 90

رَبِّ لَا تَذَرْنِي

فَرْدًا وَأَنْتَ خَيْرُ الْوَارِثِينَ ﴿٩٠﴾

Traduction:

Mo Seignére! Pa laisse moi tout sél sans zenfant, et To Meillére ki tout bannes héritiers. (21:90)

7. Livre du Messie Promis (as)

“Paigham-e-Sulah” ou “Le Message de la Reconciliation”.

French PDF: https://islam-ahmadiyya.org/images/stories/pdf/le_message_de_la_reconciliation.pdf



SYLLABUS POUR
Terme – 2
Février 2022 à Mai 2022



Aperçu Général Ta'lim Syllabus – Terme 2

Février 2022 – Mai 2022

Composantes	Détails
1. Le Saint Coran	Al-Humazah
2. Salat	Extrait de 'Zikré Ilahi' par Hazrat Khalifatul Massih II (ra)
3. Attributs d'Allah Le Tout-Puissant	Ash Shaheed – Al Haqq – Al Wakeel – Al Qawiy – Al Mateen – Al Waliyy – Al Hameed – Al Muhsee – Al Mubdi' – Al Mu'eed
4. Ahadith	Hadith No 6 – Allah guette nous leker. Hadith No 7 – Différence entre ene musulman actif et ene musulman inactif;
5. Malfoozat	Extraits de Volume 1
6. Duah Quran	Et dire: "Mo Seignére! Faire pardon et miséricorde parski To-Même Meillére dans banne ki faire miséricorde. (23:119)
7. Livre Messie Promis (as)	"Fathe Islam" ou "Triomphe de L'Islam".

1. Le Saint Coran

AL-Humazah – Chapitre 104, Versets 1 – 10

بِسْمِ اللَّهِ الرَّحْمَنِ الرَّحِيمِ ①

وَيْلٌ لِّكُلِّ هُمَزَةٍ لُّمَزَةٍ ②

الَّذِي جَمَعَ مَالًا وَعَدَّدَهُ ③

يَحْسَبُ أَنَّ مَالَهُ أَخْلَدَهُ ④

كَأَلَيْسَ لِيُنْبَذَنَّ فِي الْحُطَمَةِ ⑤

وَمَا أَدْرَاكَ مَا الْحُطَمَةُ ⑥

نَارُ اللَّهِ الْمُوقَدَةُ ⑦

الَّتِي تَطَّلِعُ عَلَى الْأَفْئِدَةِ ⑧

إِنَّهَا عَلَيْهِمْ مُّوَصَّاةٌ ⑨

فِي عَمَدٍ مُّمَدَّدَةٍ ⑩

Traduction:

1. Avec nom Allah, Céli Ki montré So grâce, sans limites, Ki donné sans ki dimanne Li; Céli Ki Bien-Miséricordié.
2. Malhère lor tout médisant, tout diffamatére,
3. Ki ramasse ricesse, et ki compte et récompte ça.
4. Li pensé ki so ricesse pou ranne li immortel.
5. Faire attention! Certainement pou zette li dans Houtamah-là.
6. Bé ki pou faire toi conné ki été Houtamah-là?
7. Li Allah So di Fé dans forme combistibe ki finne stocké-là,
8. Ki pou attaque lé kére instantanément par vibration so banne rayons.

9. En vérité, ça pou servi conte banne-là, ça ki enfermé

10. Dans banne colonnes étendu.

2. Salat

Extrait de:

“Zikre Ilahi”

Par: Hazrat Mirza Bashiruddin Mahmud Ahmad ra Khalifatul
Massih II

La nécessité pou porte plis attention à Zikri-Ilahi dan nou Jamaat.

Certains dimounes dan Jamaat penser ki kan zotte pe faire Ibadat ki obligatoire alors zotte ine fini accompli zotte devoir et zotte pas bizin faire Nawafil (Namaz volontaire). Ça c'est ene mauvaise conception. Le Saint Prophète s.a.w fine dire ki Allah fine dire li: « kan ene serviteur faire Namaz Nawafil, li rapprocher avec Moi de telle façon ki Mo vine zoreilles avec le quel li tender, Mo vine lizié avec le quel li trouver, lamain avec lesquels li attraper et lipied avec le quel li marser. »

Ça Hadith la montrer ki valère Allah accorder à Namaz Nawafil, et montrer aussi ki ça dimoune ki faire Nawafil là ki quantité so rang élevé. Allah élève li si haut ki li commence reflète So bane attributs. Alors, Nawwafil c'est pas ene zaffer ordinaire. Ça cause ene gros tracas kan bane dimounes pas porte attention à ça.

L'insouciance et la paresse exister dan la nature humaine. Dimoune ena tendance pou évite faire face à la rigueur et la discipline. Allah Ta'ala, li Celui ki cone bane faiblesses de So bane créatures, et de par so Grâce, Li fine enseigne bane différents formes Ibadat ki, en partie obligatoire, et d'autres, volontaires.

Ibadat ki obligatoire servi couma ene mesure ; celui ki accompli ça sans aukene manquement, alors pas capave faire li aukene reproche.

Fine rapporter ki ene dimoune ti vine zoine le Saint Prophète s.a.w et fine demande li à propos l'islam. Li fine réponde : « Cinq fois Namaz le jour et le soir. » Dimoune la fine demander : « Eski ena lotte Namaz apart ça ? » Le St Prophète s.a.w fine reponde : pena lotte, apart ce ki par ou même ou content. » Et li fine continuer dire : « Garde Roza dan mois Ramadan. » Encore ene fois, dimoune la fine demander : « Eski ena lotte Roza apart ça ? » Le St Prophète s.a.w fine reponde : pena lotte, apart ce ki par ou même ou content. » Ensuite, le St Prophète s.a.w fine dire li à propos Zakat, l'obligation financière de bane musulmans. Dimoune la fine répète même question et li fine gagne même réponse. Kan li ti pé aller, dimoune la fine dire : « Mo promette au nom d'Allah ki mo pas pou faire nanryen en plis ni en moins. Le St Prophète s.a.w fine dire : « Si li pé cause vrai, li fine attene le succès. »

3. Attributs d'Allah

Originale Arabic	Transliteration	Signification en Créole
الشَّهِيدُ	Al Shaheed	Le Témoin. L'Observatère
الْحَقُّ	Al Haqq	Le Vrai
الْوَكِيلُ	Al Wakeel	Céli Ki dispose bannez zaffaires, le Gardien

الْقَوِيُّ	Al Qawiyy	Céli Ki Bien-Fort
الْمَتِينُ	Al Mateen	Céli Ki Fort
الْوَالِيُّ	Al Waliyy	Céli Ki gouverne
الْحَمِيدُ	Al Hameed	Céli Ki digne de tout louanze
الْمُحْصِي	Al Muhsee	Céli Ki garde compte
الْمُبْدِيُّ	Al Mubdi'	L'initiateur (de la vie) ; Le débutant
الْمُعِيدُ	Al Mu'eed	Le Répétitère, Céli Ki reproduire la vie

4. Hadith

HADITH NUMERO 6

Allah guette nous leker

Rapporté par Hadhrat Abu Huraira(ra): ki Le Saint Prophète(saw) finne dire:

“Allah pas guette zotte l'apparence ou zotte richesse, mais Li guette zott leker et zott banne actions.”

(Muslim).

Commentaire:

Dans sa Hadith la, le Saint Prophète (saw) finne mentionne deux kiksoz ki, malgré zott banne faveurs d'Allah, zott capav, et parfois zot vine, banne grand épreuves pou banne missiers et madames.

Ene ladans c'est l'apparence physique et beauté, ki généralement, pou bane madame, ene grand source de préoccupation. Et deuxième, c'est la richesse ki souvent mett banne missiers a l'épreuve et vine ene source de tentation pou zotte.

Le Saint Prophète (saw) dire, ki sans aukène doute sa deux kiksoz la, c'est banne grand faveur d'Allah, mais banne musulmans bisin rappel ki Allah pas juge valer ene madame par so beauté ou valer ene missier par so richesse mais plutôt Allah guette leker et l'intention de bane dimounes, et aussi zotte bane actions.

Le Saint Prophète (saw) fine attire nous l'attention lor le fait qui malgré beauté et richesse c'est deux faveurs d'Allah et qui nous bizin kone apprécier zotte, mais ce qui Allah getter **en réalité** c'est leker (qalb) et actions (a'mal) de bane dimounes.

Donc, li devoir de chaque musulman, pou reforme so bane pensées, so leker et so bane actions, au lié prend fierté dans beauté physique ou dans bane possessions et dibiens mondaines.

Bisin rappel ki le Saint Prophète (saw) so avertissement li pas ziss pou le Jour du Jugement mais **c'est dans sa le monde la-même**, qui Allah, l'Excellent, juge sentiments de nous leker, l'intention de nous l'esprit et actions de bane parties de nous le corps.

HADITH NUMERO 7

Difference entre ene Musulman actif et inactif

Raconté par Hadrat Abū Hurairah, ki Allah contant de lui: Le Prophète d'Allah (ki la paix et les bénédictions d'Allah avec lui) ti dire:

“Celui ki croire dans Allah et So Prophète (saw) et ki faire namaz et garde Roza dans Ramzan, Allah promette Paradis pour ça dimoune la; ki li lutte dans le chemin d'Allah ou ki li reste so lakaz”

Alors Banes compagnons fine alors dire “est-ceki nous bizin annonce sa bonne nouvelle la a bannes dimounes, O Prophète d'Allah?” Le Saint Prophète (saw) fine reponne “Ena ene certaines de stages de Paradis, ki Allah finne préparer pour banes qui lutte dans So chemin. Et entre sakene, ena ene distance pareil comment ena entre le ciel et la terre. Donc, quand zot p supplier Allah, supplier Li pour le Firdaus. Car c'est niveau Paradis plus élever ki ena. Et ziss la haut sa ena le Trône d'Allah, Le Miséricordieux, et c'est depi là-bas ki jaillir bane ruisseaux du Paradis.”

(Bukhārī)

Commentaire

Hadhrat Mirza Bashir Ahmad (ra) dire qui c'est ene assez longue Hadith, mais ena certains faits bien importants et utiles ki mentionner dans sa hadith la:

Premièrement: Ena plusieurs stage dans Paradis et [Jannat-ul] Firdaus li stage ki pli haute, et c'est la source de tout ruisseaux du Paradis.

Deuxièmement: Différence entre ene musulman qui observe tout bane commandements d'Allah mais ki reste so lakaz et celui ki plus faible mais qui lutte pour la cause d'Allah, li aussi grand qui distance entre le ciel et la terre.

Troisièmement: Banes musulmans faudrait pas seulement rode stage de Paradis réserver pour bannes soldats d'Allah mais zot bizin vise enkor plis haute et essaye atteindre le Firdaus.

Quatrièmement: Banes différents stages/niveaux de Paradis, li corresponde à niveau de proximité à Allah l'Excellent. Donc celui qui atteindre niveau plus haute de Paradis li bien proche avec le trône d'Allah.

Cinquièmement: Banes récompenses du Paradis li pas matérielles mais plutôt spirituelle.

Dans ça hadith la p dire ki dimoune ki assizer et reste so lakaz, li pas pou même rang qui ene dimoune ki lutte pour la cause d'Allah. Dimoune ki envi vine proche ar Allah li besoin engage li, jour et nuit au service du Saint Prophète (saw) et vine ene soldat dans chemin Allah.

Couma nous kapav vine ene soldat d'Allah?

Ena plusieurs façons mais deux ce qui Quran fine mette l'emphase mentionner dans Surah an-nissa, verset 96: « Allah finne donne **banne ki litte are zot di biens et zot personnes** ène grade d'excellence lor banne ki reste assizé la caze »

« Litte are zot personnes » c'est bane qui chaque moment de zotte la vie passer au service de l'Islam, bane qui près pou sacrifier zotte la vie pou la cause de la foi. Donc, ene musulman qui bien régulier dans lire namaz, garde roza, etc, li pou gagne so récompense mais jamais li pou atteindre niveau de banne « ki litte are zot personne », bane soldats d'Allah.

C'est devoir de bane parents et bane professeur pou inculquer dans bane zenfants, dès ene jeune age, sa l'esprit de sacrifice et sa zèle pou servi la foi la et pas laisse zotte satisfait ar vine couma bane qui assizer lacaze. Au contraire, zotte bizin vine bane vrai serviteur de l'Islam et de zotte pays.

5. Malfoozat

La Prière, ène antidote, ène remède

Banne pensèe ki ène dimoune ine comette trop beaucoup péchès pa bizin empêche li faire bannes supplications. La prière, c'est ène remède. Quand li servi sa remède la, li pou trouver ki la prière pè faire li gagne ène dègout pour bannes mauvais kikchose.

Bannes ki trempè dans le péché et ki désesperer de l'acceptation de la prière, zotte pa repentir et finalement zotte perdi la foi dans bannes Prohètes et de zotte bannes bons effets.

La Repentance forme ene partie essentiel de serment d'allégeance [ba'ait]

Kifer repentance faire partie (intégrante) de nous serment d'allégeance, c.-à-d. de ba'iat ki nous prend avec ene guide spirituel? Li ene fait ça, qui l'homme ena tendance fer négligence.

Quand ene dimoune prend bai'at avec celui qui Allah t'ala ine transforme so l'état la [nous guide spirituel], bé dimoune la bénéficié de même Grace Divine et même Lumière qui exister dan guide spirituel là, pareille kuma ene greffe li sanz propriétés d'ene arbre. [Ene greffe c'est quand nous prend ene partie d'ene organisme et nous implante li lor ene lot organisme].

Mais selmen ena ene condition [ki bizin respecter], condition la, c'est qui nous bizin ena ene vrai lien, ene vrai relation avec sa dimoune la, dans ene tel façon ki kumadir nous ene branche ki attacher ek sa dimoune la so être-même, pas kuma ene branche sec. Pliss nous

attacher ek sa chef spirituel la, pliss nous pou tire bénéfice [de sa lien-
là].

6. Duah Qur'an

Pour Miséricorde et le Pardon

Surah Al Mu'Minun, Chapitre 23 verset 119

وَقُلْ رَبِّ اغْفِرْ وَارْحَمْ وَأَنْتَ خَيْرُ

الرَّحِيمِينَ ﴿١١٩﴾

Traduction:

Et dire: “Mo Seignére! Faire pardon et miséricorde parski To-Même
Meillère dans banne ki faire miséricorde. (23:119)

7. Livre du Messie Promis (as)

“Fathe Islam” ou “Triomphe de L’Islam”.

French PDF: <https://islam-ahmadiyya.org/images/stories/pdf/Triomphe-de-l-Islam.pdf>



SYLLABUS POUR
Terme – 3
Juin 2022 à Septembre
2022



Aperçu Général Ta'lim Syllabus – Terme 3

Jun 2022 – Septembre 2022

Composantes	Détails
1. Le Saint Coran	Al-Qa'riah
2. Salat	Extrait de 'Zikré Ilahi' par Hazrat Khalifatul Massih II (ra)
3. Attributs d'Allah Le Tout-Puissant	Al Muhyee – Al Mumeet – Al Hayy – Al Qayyoom – Al Waajid – Al Maajid – Al Waahid – As Samad – Al Qaadir – Al Muqtadir
4. Ahadith	Hadith No 8 – Éssaye évite le mal Hadith No 9 – Content pou ou frere sa qui ou content pou ou meme
5. Malfoozat	Extraits de Volume 1
6. Duah Qur'an	Nou Seignére! Répanne lors nous la constance et faire nous mort dans ène l'état dé soumission. (7:127)
7. Livre Messie Promis (as)	"Gunah ki Ghulami Sei Riha'i Panei Ki Tadabir Kya Hain?" ou "Comment s'affranchir du péché".

1. Le Saint Coran

Al Qari'ah – Chapitre 101, Versets 1 – 12

بِسْمِ اللَّهِ الرَّحْمَنِ الرَّحِيمِ ①

الْقَارِعَةُ ②

مَا الْقَارِعَةُ ③

وَمَا أَدْرَاكَ مَا الْقَارِعَةُ ④

يَوْمَ يَكُونُ النَّاسُ كَالْفَرَاشِ

الْمَبْثُوثِ ⑤

وَتَكُونُ الْجِبَالُ كَالْعِهْنِ الْمَنْفُوشِ ٦ ط

فَأَمَّا مَنْ ثَقُلَتْ مَوَازِينُهُ ٧ ل

فَهُوَ فِي عِيشَةٍ رَاضِيَةٍ ٨ ط

وَأَمَّا مَنْ خَفَّتْ مَوَازِينُهُ ٩ ل

فَأُمُّهُ هَاوِيَةٌ ١٠ ط

وَمَا أَدْرَاكَ مَا هِيَةٌ ١١ ط

نَارٌ حَامِيَةٌ ١٢ ع

Traduction:

1. Avec nom Allah, Céli Ki montré So grâce, sans limites, Ki donné sans ki dimanne Li; Céli Ki Bien-Miséricordié.
2. Ça Grand Tapaze éffroyabe-là ki pou reveille banne ki dans torpére dé l'insouciance!
3. Bé ki été ça Grand Tapaze éffroyabe-là?
4. Et bé ki pou faire toi conné ki été ça Grand Tapaze éffroyabe-là?
5. Ça zour cotte bannes dimounes pou couma banne ti papillons ki éparpillé,
6. Et ki banne montagnes pou vine couma la laine ki pas encore peigné;
7. Alors, concernant dimouneki so balance péze lourd à cause so banne bon actions,
8. Li pou zourir ène la vie agréabe.
9. Mais, concernant dimoune ki so balance péze lézé,
10. So mama pou Hawiyah.
11. Et bé ki pou faire toi conné ki été ça Hawiyah-là?
12. Li ène di Fé brillant.

2. Salat

Extrait de:

“Zikre Ilahi”

Par: Hazrat Mirza Bashiruddin Mahmud Ahmad ra Khalifatul
Massih II

La nécessité pou porte plis attention à Zikri-Ilahi dan nou Jamaat.

En bref, si ou accompli Ibadat obligatoire de façon parfaite, ou succès rassurer. Mais celui ki sage et prudent, li pas contente li zisse avec ce ki obligatoire. Zotte faire Nawafil pou rattrape bane manquements dan ce ki obligatoire. Par exemple, fine prescrire, cinq fois Namaz par jour ; li possible ki fine ena ene manquement quelque part ki capave faire Namaz la vine inutile. Donc, pou ena ene dette Jour du Jugement en ce ki concerne bane manquements dan Namaz. Alors, c'est Nawafil ki pou compenser pou ça.

Rapporter ki ene fois le St Prophète s.a.w fine trouve ene de so bane Compagnons pe faire Namaz. Li fine demande li pou refaire so namaz, et li fine refaire. Mais le St Prophète s.a.w fine demande li refaire ene deuxième et ensuite ene troisième fois. Compagnon la fine plaider : « O Prophète d'Allah, mo pas cone ene meilleure facon pou faire Namaz ; montrer moi, s'il-vous-plait ». Le St Prophète s.a.w fine reponne ; « To ti pé faire Namaz trop vite et alors li pas mérite Allah so acceptation. Faire Namaz plis lentement et Allah pou accepter.

Huzoor dire : mo pou donne ene l'exemple. Faire comme si ene étudiant pe prend part dan ene l'examen kot li bizin 50 points pou passer. Si li réponne bane questions ki vaut zisse 50 points, pas sire ki li pou passer. Li capave fail parski li fine mal donne ene réponse. Ou bien prend l'exemple ene voyageur ki pé alle faire ene longue voyage. Li faire ene estimation de l'argent ki li bizin pendant so voyage, mais au courant de so voyage li possible ki li bizin faire face a bane imprévues ki capave coute li plis casse. Nawafil pareil couma ça casse en plisse ki bizin garder là pou faire face à bane imprévues. Li très important et demande ene attention particulière.

3. Attributs d'Allah

Originale Arabic	Transliteration	Signification en Créole
الْمُحْيِي	Al Muhyee	Céli Ki donne la vie.
الْمُمِيتُ	Al Mumeet	Céli Ki cause la mort, le Destructère
الْحَيُّ	Al Hayy	Le Vivant
الْقَيُّومُ	Al Qayyoom	Céli Ki existé par Li-Même et lor Ki dépanne l'existence tout kit-soze
الْوَّاجِدُ	Al Waajid	Le trouveur
الْمَاجِدُ	Al Maajid	Céli Ki possède la gloire

الْوَّاحِدُ	Al Waahid	Céli Ki Ene Sel
الصَّامِدُ	As Samad	L'Indépendant et recherché de tous
الْقَادِرُ	Al Qaadir	Céli Ki possède pouvoir ek l'autorité
الْمُقْتَدِرُ	Al Muqtadir	Le Tout - Puissant

4. Hadith

HADITH NUMERO 8

Éssaye évite le mal

Hazrat Abū Sa'īd, ki Allah content avec li, rapporté ki line tende le Prophète d'Allah, (ki la paix et bénédiction d'Allah lor li), dire:

“Si kikene d'entre zot trouve ene zafer immoral ou répugnant a nous la foi, li besoin change ça par so lamain (cad bane actions); si li pas capav faire ça par so la main, li besoin faire li par so la bouche (cad bane paroles) ; si li pas capav faire sa aussi, alors li besoin au moins détester ça zafer la (et essaye reformer par doah) mais sa li plus faible (cad ene demonstration bien faible de nous imaan)”

(Muslim)

Commentaire

Le Saint Prophète (saw) fine dire ki beaucoup kitsoz immoral prend racine et contigne propager parcequi dimounes pas prend aukene actions concret pou reformer. Et en résultat, l'immoralité li faner, parcequi mauvais action d'ene dimoune ena l'influence lor lezotte. Et ça pas arrête la même; bannes dimounes nepli peur bannes zafer immoral et nepli ena ca frayeur, [ca dégout la] dans zot le cœur.

A travers sa Hadith la, Le Saint Prophète (saw) p mette l'emphase lor reforme, afin ki la porte du péché li fermer à bannes musulmans.

Beaucoup dimoune pas dire nanier a ene proche ki p commette bane actes immoral acoz zot gagne gêner, ou soi zot peur pou dir kitsoz, ou soi même zot penser ça pas zot problème: B lerala même pécher la grandi devant zot propre lizier et ça fanner aller même d'ene dimoune a ene lotte dimoune dans zot l'entourage. Zot pas réaliser ki ça mal la p faner autour zot et demain ca capav détruire zot propre lakaz.

Acoz ça même Le Saint Prophète (saw) fine dire, si ou pas capav faire nanier pou empêche ene dimoune commette l'immoralité, alors dire li kitsoz, et si ou pas capav dire kitsoz, alors faire duah pou ça.

Faire kitsoz are ou la main pas veut dire la force physique, mais plutôt bane qui ena l'autorité bizin agir. Ene exemple, c'est ene papa ki trouve so garçon dans mauvais chemin, li bizin servi so autorité en tant ki papa pou sauve so garçon.

Par bane paroles veut dire conseille ene dimoune, ou si nécessaire réprimande li afin ki li reformer. Et troisième, c'est faire duah pou ene tel dimoune. Bizin faire ene duah sincère ki sorti depi nous le coeur.

Vrai soldat d'Allah est celui ki en plus de Duah, li aussi prend action. Duah li marcher certainement. Mais duah bizin être accompagner par action aussi. Donc chaque musulman besoin agir lor sa hadith la. Si ou trouve ene proche ki p commette banes actes immoral, ou bizin empêche li, avec ou la main (cad par ou action). Si ou pas capav, b faire li par ou la bouche, c.a.d, conseil li, ou même réprimande li. Mais si ou gagne peur, ou soi ou gagne gêner ou soi ou mank courage pou dir kitsoz pou reforme li, alors lerala faire duah pou

li. Ene dimoune ki assizer et gett le mal propager autour de li, sans ki li prend aukene action, be ene tel dimoune pas capav appelle li même ene musulman.

HADITH NUMERO 9

Content pou ou frere sa qui ou content pou ou meme

Hazrat Anas (ki Allah soit content de li) raconte qui le St Prophete (que la paix et les benedictions d'Allah soit sur lui) ine dire:

“Par Allah, ki détenir mo lavie dans So lamain, personne parmi zotte pas pou ene vrai musulman sincère tant qui li pas souhaite pou so frère ce qui li souhaite pou li-meme. »

(Bukhārī)

Commentaire

Hazrat Mirza Bashir (ra) donne ene explication lor sa Hadiths la et dire qui Quran fine établi clairement qui tous bane croyants zotte uni par ene lien de fraternité. Gette avec ki laforce le Saint Prophète (saw) finne prend nom Allah pou dire qui vrai fraternité c'est quand nu choisir pou nu prochain ce qui nous choisir pou nous. Par sa bane mots la, le Saint Prophète (saw) fine enlève tout sentiments de conflits ente bane musulmans et fine faire zotte uni. Li dommage, qui zordi zour, dimoune ress plongée dans l'égoïsme; zotte gette ziss zot-meme. C'est pou sa banne dimoune la qui dans Quran Chapitre 83, Verset 2-5 Allah dire:

« Malhère lor banne ki donne moïnse dans pézé et dans miziré; banne quand, ena pou miziré pou prend are banne dimounes, zotte réclame plein mizire. Mais, quand zotte miziré ou soi zotte pézé pou donne banne dimounes-la, zotte faire moïnse. Esse-ki ca banne-la pa conné zotte pou réssissité? »

Islam fine coupe à la racine même de l'égoïsme quand finne ordonne nous pou content pou nous prochain ce qui nous content pou nous. Apart bane obligation qui Sharia finne ordonner envers nous bane proches parents, dans nous la vie de tous les jours, faudrer jamais nu

montrer double mesure envers nous prochain. Dans ene lotte Hadiths, le Saint Prophète (saw) finne décrire bane musulmans comme bane différents partie ene lecorps. Quand ene partie souffert, lecorps la en entier souffert. Donc, quand ene frère musulman dans la peine, nous aussi nu bizin ressenti so souffrance. C'est sa niveau de fraternité la qui le Saint Prophète (saw) envi nous atteindre, si seulement nu ti donne l'importance sa commandement la!

5. Malfoozat

Ene Serment d'allégeance qui superficiel pena aukene utilité

Ene serment d'allégeance (bai'at) superficiel (qui nous faire en l'air) à ene guide spirituel, pena aukaine l'avantage et li difficile pour tire moindre profit depi ene tel bai'at.

Ene dimoune pou tire profit (de so bai'at) ziss quand li abandonne so ego et attache li à sa guide spirituel la avec amour et sincérité. Puisque bannes hypocrites pas ti ena ene vrai relation sincère avec le Saint Prophète (saw) et so progéniture, alors au final, zotte finne reste priver de la foi (imaan) et priver d'ene amour pur et sincère.

Et donc, ziss proclame

لَا إِلَهَ إِلَّا اللَّهُ .

(pena personne digne d'être adorer apart Allah) ça pane servi zot nanyen.

Alors, li important pour établi sa bannes liens-là (avec nous guide spirituel). Si ene croyant pas renforci so bannes liens et li pas réussi faire ene zeffort concernant sa, alors pena aukaine raison pou li exprime chagrin et remord. Ene dimoune bizin entretenir ene relation d'amour et de sincérité avec so guide spirituel et dans la mesure du possible, li besoin essaye suivre au plus près so maitre, essaye imite li, que ce soit en termes de so ban croyances ou de so banne actions. L'homme, dans so for intérieur, penser ki li ena ene longue la vie devant li mais sa c'est ene illusion, li embete limem. Personne pas

conner combien le temps en dimoune ena pou li vivre. Ene dimoune bizin précipite li pour adopter la piété et l'adoration, et faire so propre analyse depuis gramatin ziska asoir.

Subir bane épreuves pou la cause d'Allah t'ala

[Pareil couma bane dimoune prêt pou subir bane perte mondaine, par exemple], prend bane sanctions conte zotte dans travail ou dans bane lezotte situations cotte bane ki en autorité réprimande zotte, li ti pou extraordinaire si, dans même façon, bane dimoune prêt pou subir bane épreuves pou la cause d'Allah t'ala.

Bane ki subir difficulté et la peine ziss pou établi la droiture, zotte gagne récompense avec bane dimoune oussi. C'est ça la voie de bane Prophètes et de bane véridiques. Allah t'ala jamais ress endetté envers ene dimoune ki subir bane pertes mondaines pou So cause, et tout le temps Li pou récompense sa dimoune la en abondance.

6. Duah Qur'an

Pour ene fin de vie juste

Surah Al A'Raf, Chapitre 7 verset 127

رَبَّنَا أَفْرِغْ عَلَيْنَا صَبْرًا وَتَوَقَّنَا

مُسْلِمِينَ ١٢٧

Traduction:

Nou Seignére! Répanne lors nous la constance et faire nous mort dans ène l'état dé soumission. (7:127)

7. Livre du Messie Promis (as)

**“Gunah ki Ghulami Sei Riha’i Panei Ki Tadabir Kya Hain?” ou
“Comment s’affranchir du péché”.**

French PDF: <https://islam-ahmadiyya.org/images/stories/pdf/Comment-s-affranchir-du-peche.pdf>